

TEZAUUR LITURGIC

17 MARTIE

**SLUJBA
SF. CUVIOS
PARTENIE
KRASNOPEVȚEV
DE LA
PECERSKA**



**MINEIUL PECERSKĂI-02
KIEV, 2007**



Мѣсяца Марта въ 17-й день Служба преподобному Пароению Кіевскому

ВЕЧЕРЬ,

Блаженъ мужъ, 1-й антифонъ. На Господи
воззвахъ: стихиры, гласъ 1. Подобенъ:

Прехвальнии мученицы.

Приидите, людіе,* во святую обитель
Печерскую,* воспоймъ собесѣдника чуднаго
ангеловъ,* преподобнаго отца нашего
Пароенія,* сосудъ благодати
неоскудевающія,* любовію непрестанно
истекающій.* Припадѣмъ къ нему съ вѣрою и
помолимся теплѣ:* моли Христа Бога* спасти
душамъ нашимъ.

Приидите, людіе,* составимъ похвалу честному
сроднику нашему,* узкимъ путемъ на высоту
духовную востекшему,* послушаніемъ и
бдѣніемъ,* наипаче же трудами молитвенными
просіявшему,* крайнія чистоты душевныя и
тѣлесныя достигшему,* дерзновение ко Христу
стяжавшему.* Того моли, Пароение
преподобне,* спасти душамъ нашимъ.

Приидите, вѣрнии людіе,* похвальными
пѣснями днесь почтимъ отца

чуднаго* преподобнаго Пароенія,* всѣмъ
сѣрдцемъ Христа возлюбившаго,* и бремя Его
легкое и благое подъявшаго,* на высоту
небесную со креста вознесшагося.* И нынѣ,
предстоя престолу Святыя Троицы,* молися о
насъ, отче преподобне,* да спасетъ Господь
души наша.

Приидите, празднолюбцы,* со умилѣніемъ
воспоймъ* похвалами многими* земнаго ангела
и человека небеснаго* Пароенія
предивнаго,* всею жизнью Евангеліе
исполнившаго,* ближнему послужившаго и Богу
угодившаго.* Того моли, отче блаженне,* да
спасетъ души наша.

Слава, гласъ 8:

Иже по образу Евангелія Христова житіе твое
поставивъ, постнически пребывалъ еси,
мужески естество понудивъ, да плоть
поработиши духу, всякое злостраданіе съ
любовію терпѣлъ еси, яко истинный ученикъ
небеснаго Учителя Христа; и нынѣ, на небеса
преселився, лице Того пресвѣтлое зриши, отче
нашъ Пароеніе, и молишися благоприятно о
вѣрою и любовію чтущихъ святую память твою.

И нынѣ, богородиченъ догмать:

Царь небесный [за человеколюбіе на земли
явися и съ человеки поживе, от Дѣвы бо Чистыя

плоть пріемый и изъ Нея прошедый съ воспріятіемъ, единъ ёсть Сынъ, сугубъ естествомъ, но не вполстасію. Тъмже, совершенна Того́ Бо́га и совершенна Человѣ́ка войстинну проповѣ́дающе, исповѣ́дуемъ Христа́ Бо́га нашего: Егѡ́же моли́, Мати́ Безневѣ́стная, поми́ловатися душа́мъ нашимъ].

Входъ. Прокимень дне, и чтенія три.

Премудрости Соломона чтение.

Праведныхъ души въ руцѣ́ Божіей, и не прикоснется ихъ му́ка. Непщевани быша во очесѣхъ безумныхъ умрѣти, и вмѣнися озлобленіе исходъ ихъ, и еже отъ насъ шествіе — сокрушеніе, они́ же суть въ мирѣ́. Ибо предъ лицемъ́ человѣ́ческимъ, аще и му́ку пріимутъ, упованіе ихъ безсмѣртія исполнено. И вмалѣ́ наказани бывше, великими благодарствования будутъ, яко́ Богъ искуси́ я и обрѣ́те ихъ достойны Себѣ́. Яко́ злато въ горниль, искуси́ ихъ и, яко́ всеплодіе́ жертвенное, пріятъ я. И во время посѣщенія ихъ, возсіяютъ, и яко́ искры по стѣблю, потекутъ. Судятъ языкомъ и обладають людьми, и воцарится Господь въ нихъ во вѣки. Надѣющися Нань разумѣють истину и вѣрнии въ любви́ пребудутъ Ему́, яко́ благодать и милость въ преподобныхъ Егѡ́ и посѣченіе во избранныхъ Егѡ́.

Премудрости Соломона чтение.

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломона чтение.

Праведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Съдина же естъ мудрость человекомъ, и возрастъ старости — житіе нескверное. Благоугоденъ Богу бивъ, возлюбленъ бысть, и живый посреде грѣшникъ, преставленъ бысть. Восхищенъ бысть, да не злоба измѣнитъ разума его или лѣсть прельститъ душу его. Раченіе бо злобы помрачаетъ добрая и пареніе похоти, премѣняетъ умъ незлобивъ. Скончався вмалѣ, исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковое, яко благодать и милость въ преподобныхъ Его и посѣщеніе во избранныхъ Его.

На стиховнѣ стихиры, гласъ 2. Подобенъ:

Егда отъ древа.

Егда явися ти Духъ Святыи* въ видѣ голубинѣ,* тогда Божественная благодать* исполни душу твою,* отъ земнаго отрѣшая,* молитвѣ научая,* да славится тобою* имя Бога въ Троицѣ Единого,* Емуже молися, отче Парѣеніе,* ниспослати намъ миръ и велию милость.

Стихъ: Честна предъ Господемъ* смѣръ преподобныхъ Его.

Егда Божественная благодать* исполни сердце твое,* тогда явися ти старецъ и рече:* странень монахъ — зѣмень мертвецъ.* Сердце же твое распалися* огнемъ невещественнымъ* и родися въ тебѣ желаніе* уневѣстити дѹшу Христови.* Того моли, отче преподобне,* спасти и просвѣтити дѹши наша.

Стихъ: Блаженъ мужъ, бояйся Господа,* въ заповѣдехъ Его восхоцетъ зѣло.

Егда Божественное званіе* достигъ ты,* преподобне отче нашъ Пароеніе,* тогда лѣпоту міра презрѣвъ,* въ Лавру Печерскую пришель еси* и житіе жестоко поживъ,* въ молитвѣ непрестаннѣй и трудѣхъ* Господеви угодилъ еси.* Тѣмже молися Христу Богу* спасти и просвѣтити дѹши наша.

Слава, гласъ 8:

Монаховъ множества наставника ты почитаемъ, отче нашъ Пароеніе, твоею бо стезею войстинну право ходити познахомъ. Блаженъ еси, Христу работавъ, и вражію обличилъ еси силу, ангеловъ собесѣднике, преподобныхъ сопричастнике и праведныхъ, съ нимиже молися Господеви, помилувати дѹши наша.

И нынѣ, богородиченъ:

Безневѣстная Дѣво, [Яже Бога неизреченно зачѣнши плотию, Мати Бога Вышняго, Твоихъ рабовъ мольбы приими, Всенепорочная, всѣмъ подаючи очищеніе прегрѣшеній, нынѣ наша моленія пріемлющи, моли спастися всѣмъ намъ].

Тропарь, гласъ 2:

Небесное отечество возлюбивъ, суетнаго міра отвергся еси, тѣмже кротость, простоту и незлобіе стяжавъ, поревновалъ еси подвигомъ отцевъ нашихъ Печерскихъ. Соименитый чистотѣ и дѣвству, преподобне Пароеніе, кievская похвало, моли Христа Бога спасти и просвѣтити души наша.

НА УТРЕНИ,

По 1-мъ стихословіи съдаленъ, гласъ 4:

Всѣмъ сердцемъ и душею Бога возлюбилъ еси, преподобне отче Пароеніе, мысленно Христу сораспялся еси, тѣмже даръ благодатныхъ слезъ и молитву непрестанную стяжалъ еси; научи и насъ присно глаголати: Господи, Иисусе Христе, Сыне Божій, помилуй насъ. **[Дважды.]**

Слава, и нынѣ, богородиченъ:

Пресвятая Мати Дѣво, не хочу тѣхъ, яже въ мірѣ суть, точію даждь ми возлюбити всѣмъ

сёрдцемъ Сы́на Твоего́, и Твои́мъ Ма́тернимъ
ходата́йствомъ улу́чить наслѣ́діе жи́зни вѣ́чныя.

По 2-мъ стихословіи съда́лень, гла́съ 4:

Сле́зными те́ченьми ду́шу твою́ напои́ль еси́
изря́дно, о́тче богому́дре, мно́гопло́день
добродѣ́телей твои́хъ пожа́ль еси́ кла́съ, и
па́стырь до́брый овца́мъ сло́вѣснымъ яви́лся еси́.
Тѣмже, разрѣ́шився о́тъ житі́я въ де́нь Страсте́й
Христовыхъ и пра́здникъ Благо́вѣщені́я,
оте́ческимъ ли́комъ соче́тался еси́, Паро́ение, се́го
ра́ди вопіе́мъ ти: моли́ Христа́ Бо́га, согрѣ́шеній
оста́вленіе дарова́ти, чту́щимъ лю́бовію святу́ю
па́мять твою́. **[Два́жды.]**

Сла́ва, и ны́нѣ, богоро́диченъ:

О Тебѣ́ ра́дуемся, Пренепо́рочная Богома́ти,
покро́ве и наде́ждо на́ша несумнѣ́нная,
душелю́бная пра́вительнице и́ноковъ и всея́
вселенны́я храни́тельнице, Ты́ бо мо́лиши о на́съ
Христа́ Бо́га на́шего.

По по́ліелѣи съда́лень, гла́съ 8:

Духо́вную му́дрость смиренному́дриемъ
стяжа́въ, мно́гимъ бы́ль еси́ учи́тель, мона́хомъ
оте́ць и скорбя́щимъ утѣ́шитель, и моли́твы
Иисусовы́ немолка́ющій орга́нъ: тѣмже въ
вѣ́чности просла́ви тя́ Мздовозда́тель Госпо́дь,
Его́же непреста́нно моли́, прегрѣ́шеній

оставленіе даровати, чтущимъ любовію память твою. **[Дважды.]**

Слава, и нынѣ, богородиченъ:

Небесную дверь и кивотъ, всесвятую гору, свѣтлый облакъ воспоймъ, неопалимую купину, словесный рай, Евы воззваніе, вселенныя всея великое сокровище, яко спасеніе въ Ней содѣлася міру и оставленіе древнихъ согрѣшеній. Сего ради вопіемъ Ти, Богомати: молися Сыну Твоему прегрѣшеній оставленіе даровати благочестно покланяющимся всесвятому Рождеству Твоему.

Степенна, 1-й антифонъ 4-го гласа. Прокимень, гласъ 4: Честна предъ Господемъ* смѣрть преподобныхъ Его. Стихъ: Что воздамъ Господеви о всѣхъ, яже воздаде ми? Всякое дыханіе... Евангеліе отъ Матѳея, зачало 43.

По 50-мъ псалмѣ стихира, гласъ 6:

Преподобне отче, во всю зѣмлю изыде вѣщаніе трудовъ твоихъ: тѣми бо на небесѣхъ обрѣлъ еси мзду многу, и демонскія погубивъ полки, со ангелы причтенъ бывъ, ихже житію безъ порока на земли поревновалъ еси. И тако дерзновеніе ко Христу Богу стяжавъ, Того моли даровати миръ душамъ нашимъ.

Канонъ святаго, гласъ 8.

Пѣснь 1.

Ирмосъ: Сокрушившему брани мѣщцею Своею и проведшему Израиля сквозъ Чермное море, поимъ Ему, яко Избавителю нашему Богу, яко прославися.

Освятѣ мою дѣшу, Спасе, помышленія исправи, мѣсли очисти, да возмогу пѣти достойно пѣмь блаженнаго Пароенія, нынѣ престолу Славы Твоея предстоящаго и за всѣхъ теплѣ молящагося.

Отъ младыхъ ногтѣй земли отрѣшивыйся, безмолвию, богомыслию и молитвѣ прилжалъ еси, святче Пароеніе, моли Христа Бога, да избавитъ насъ суеты мѣрскаго и возведетъ дѣши наша въ горняя.

Въ юности сподобився наитія Святаго Дѣха въ видѣ голубинѣ, молитвенно воспѣлъ еси: неописанне Параклите, отъ Отца исходяй и въ Сынѣ пребывай, устами во мнѣ храмъ Своему величеству.

Богородиченъ: Пресвятая Госпоже Дѣво Пренепорочная, изнеможе дѣхъ мой отъ рабства грѣховнаго, но яко Мати чадолюбивая угаси пламень страстей моихъ, Своею милостию орошаючи.

ПѢСНЬ 3.

Ирмосъ: Утвердѣся сердце мое во Господь, вознесѣся рогъ мой въ Бозь моёмъ, разширишася на враги моя уста моя, возвеселихся о спасеніи Твоёмъ.

Не прельстився суетою міра многомятежнаго, мудростію своєю родителей удивилъ еси, блаженне, желанія мірскія и земныхъ невѣсть отвергся, во обитель Печёрскую притекъ, тамо праведно пожилъ еси.

Веселится Церковь и воспѣваетъ подвиги твоя, ихже подъялъ еси, богомудре, ради Царствія небеснаго: бдѣніе, пощеніе, затворъ и псалмопѣніе; восхваляемъ и по долгу благочестно ублажаемъ тя.

Ангелонравное житіе твое видяще, преподобне, восхвалимъ Господа, ниспославшаго рабомъ Своимъ благодать и дары пребогатыя. Сего ради прославляетъ тя, блаженне Пароеніе, обитель Печёрская и вси вѣрніи чада твоя.

Богородичень: Кіими похвалами прославимъ Дѣву Чистую, возрастившую во удѣлѣ Своёмъ дивнаго молитвенника, преподобнаго Пароенія, возлюбившаго Сію, Ходатаицу о спасеніи рода нашего.

Съдаленъ, гласъ 2:

Чудный отче, чудотворче преславный, Богу приятный, не остави насъ въ скорбѣхъ сущихъ, унылыхъ, да души наша грѣхми омраченныя, просвѣтитъ и помилуетъ Господь молитвами твоими. **[Дважды.]**

Слава, и нынѣ, богородиченъ:

Яже радости приѣмшая исполненіе, приими отъ насъ, рабовъ Твоихъ, цѣлованіе архангелово: радуйся, радость рождшая міру; радуйся, ручко, изъ неяже манна небесная всѣмъ вѣрнымъ даровася; радуйся, Благословенная.

Пѣснь 4.

Ирмосъ: Пророкъ Аввакумъ умными очима провидѣ, Господи, пришествіе Твое, тѣмъ и вопіяше: отъ юга приидетъ Богъ. Слава силъ Твоихъ, слава низхожденію Твоему.

Во обитель Печерскую притеклъ еси, и въ ней противу козней демонскихъ усердно подвижаяся, узкимъ путемъ послушанія шествовавъ, достиглъ еси высоты безстрастія; помолись о насъ Христу, преподобне, да и мы твоимъ стопамъ послѣдуемъ.

Въ духовнѣй брани молитвою непрестанно поучаяся, видѣниемъ Никодіма просфорника обрадованъ бывъ, подвигомъ того въ житіи

подража́лъ еси́. Моли́теся о́ насъ, отцы́ преподо́бнии, да не на́зи обря́щемся на суди́щи Христо́вѣ.

Крото́стию и смире́ниемъ Христу́ уподо́бился, и любове́ю къ Нему́ горя́, сосу́дъ избра́нь Свята́го Ду́ха яви́лся еси́, о́тче Паро́ение, моли́ся, да не угасне́тъ и въ насъ о́гнь любве́ Божество́вныя.

Богородиче́нь: Невмѣсти́мага вмѣстивша́я, Необъя́тнаго носивша́я, Ма́ти Бо́жія, вы́сшая всѣхъ свѣтлостей, помолі́сь о́ насъ Сы́ну Твоему́, да спасе́тъ ду́ши на́ша.

Пѣснь 5.

Ирмо́сь: *Го́споди Бо́же на́шъ, ми́ръ да́ждь намъ, Го́споди Бо́же на́шъ, стяжи́ ны, Го́споди развѣ Тебе́ ино́го не вѣ́мы, и́мя Твое́ имену́емъ.*

Не прилѣпля́ясь къ земно́му, чистоты́ помысло́въ дости́гль еси́, сего́ ра́ди и Христо́съ да́ромъ чуде́сь обогати́ тя и просла́ви, яко́ свѣтлую звѣзду́, среди́ отцевъ на́шихъ Пече́рскихъ.

Во млады́хъ лѣтѣхъ му́дростию ста́рца испо́лнися, бли́жнихъ сво́ихъ на пу́ть и́стины наста́влялъ еси́, въ ста́рости крото́стию младе́нцу уподо́бился, преподо́бне Паро́ение, моли́ Христа́ Бо́га, да помо́жетъ и намъ зло́бою младе́нствовати.

Русская похвало, Лавры Печерския украшение,
цѣломудрія наставниче, дѣхомъ горяй, помолись
о насъ недостойныхъ чадѣхъ своихъ.

Богородичень: **Неизреченный свѣте,** Мати
Божія, просвѣти дѣши наша во тмѣ лежація, и
умягчи сердца окамененныя, присно о насъ со
слезами молящися.

Пѣснь 6.

Ирмосъ: *Яко воды морскія, Человѣколюбче,*
волнами житейскими обуреваюся, тѣмже, яко
Іона, тако вопію Ти: возведи отъ тли животъ
мой, Благоутробне Господи.

Стопы наша направи право шествовати,
преподобне, дѣвству тезоименитый, и сподоби
насъ чистымъ сердцемъ Бога славити.

Незлобіемъ просіявый, утиши многогрѣшное
житіе наше, міра горняго жителю, научи насъ
мірскаго мудрованія отвергаться.

Помолись, подобне Пароеніе, о всѣхъ въ
молитвѣ труждающихся, сердцемъ Богу
воспѣвающихъ и житіемъ Ему служащихъ, да
вси достигнемъ молитвы совершенныя.

Богородичень: **Дѣвственныхъ начальнице** и
молитвы подательнице, монашествующихъ
покровительнице, Царице Небесная, услыши

на́сь и спаси́ отъ искуше́ній мі́ра, плоти́ и
діа́вола.

Конда́къ, гла́съ 3:

Кто́ не удиви́тся чистотѣ́ твоѣ́й, дѣ́вственниче
и моли́твенниче́ прі́сный, сосу́дь бо Ду́ха
Свята́го яви́лся еси́ и моли́твою о ми́рѣ всѣ́мъ
возсія́лъ еси́. И ны́нѣ помяни́ на́сь у престо́ла
Бо́жія во Ца́рствіи небѣ́снѣ́мъ.

Ико́сь:

Отве́рзи уста́ тво́я, кѣ́ліе убо́гая, и рцы́ на́мъ,
колькраты́ пото́ки слѣ́зными омоча́лася еси́?
ка́ко воздыха́нія преподо́бнаго стѣ́ны тво́я
расторго́ша? ка́ко а́нгели приница́ху ко
бдѣ́ннымъ подвиго́мъ егѡ́? Тѣ́ми бо освяти́ся
земля́, мы́ же сія́ вся помышля́юще, слеза́ми
умиле́нія исполня́емся, и про́симъ тя́, о́тче:
помяни́ на́сь у престо́ла Бо́жія во Ца́рствіи
небѣ́снѣ́мъ.

Пѣ́снь 7.

Ирмо́сь: *Халде́йская пѣ́щь, огне́мъ
распаля́емая, ороша́шеса Ду́хомъ, Бо́жіимъ
предстоя́ніемъ, отро́цы пояху́: благослове́нъ еси́,
Бо́же оте́ць нашихъ.*

Объя́ се́рдце твоѡ́ пла́мень моли́твы
непреста́нныя, де́нь и но́щь въ тебѣ́ горя́; сего́

огня́ и на́мъ причасти́тся Го́спода умоли́, да попа́лѣтъ въ на́съ стра́сти серде́чныя.

Безору́жна бы́сть незло́біемъ и крото́стію твоёю зло́ба чело́вѣческая; мимоходи́ тебе́, о́тче, но не дрема́ зло́ба дрѣвняя, нападе́ніемъ отъ бѣсо́въ ополча́вшаяся и тя́ удруча́вшая, а́ще не бы́ сила Бо́жія помога́ющая, да́вно нале́жало бы́ тебѣ́ во гробъ́ вселі́тися.

Уязвле́нный любви́ю Боже́ственною, непреста́нно взыва́ль еси́: Иису́се, живи́ во мнѣ́ и да́ждь ми́ въ Тебѣ́ жи́ти! И услы́шалъ еси́ сла́дкій гла́съ: яды́й Мою́ Пло́ть, и пия́й Мою́ Кро́вь, во Мнѣ́ пребы́ваетъ, и Азъ́ въ не́мъ.

Богородиче́нь: **Н**етлѣ́нная Роді́тельнице́ и бра́ку неприча́стная, неискусому́жная Дѣ́во, несгара́емая свѣ́ще мі́рови свѣ́тящая, всепѣ́тая Ма́ти утѣ́шительнице́, спаси́ мене́ отъ непри́язни въ пагубнѣ́й сей суе́тъ.

Пѣ́снь 8.

Ирмо́сь: *Покрыва́яй вода́ми превы́спренняя Своя́, полага́яй мо́рю предѣ́ль песо́къ, и содержи́ вся, Тя́ поётъ́ со́лнце, Тя́ сла́витъ луна́, Тебѣ́́ прино́ситъ пѣ́снь вся́ тва́рь, яко́ Содо́телю всѣ́хъ во вѣ́ки.*

Обуре́ваемый ду́хомъ уны́нія, укрѣ́пляемъ́ бы́въ благода́тнымъ сновидѣ́ніемъ; помози́ и

на́мъ печа́ли и уны́нію не соизво́ляти, взы́вая въ ра́дости: благосло́вѣнь Бо́гъ оте́ць на́шихъ!

Безмо́лвнѣ въ Голосѣ́евой пу́стыни пребы́вая, и та́мо моли́твою ду́шу пита́я, ре́клъ еси́: здѣ́ ноша́шеся ду́хъ преподо́бныхъ на́шихъ Пече́рскихъ! Ихже со́нму ны́нѣ сопричте́нный на небеси́ воспѣ́ваеши: благосло́вѣнь Бо́гъ оте́ць на́шихъ!

Поуча́ясь о вели́комъ воплоще́нія Господ́ня та́инствѣ́, сподо́бился еси́ видѣ́нія Богомладе́нца, и воскликну́ль еси́ ра́достно: благосло́вѣнь Бо́гъ оте́ць на́шихъ!

Богоро́дичень: **Всею** душе́ю Цари́цу Небе́сную возлюбивѣ́, Паро́е́ніе, услы́шалъ еси́ гла́съ Пречи́стыя: Азъ мона́хиня е́смь! Помоли́сь о на́съ ста́рче, недосто́йныхъ, Игу́мене обите́ли Пече́рскія, да досто́йни зва́нія ино́ческаго вопі́емъ: благосло́вѣнь Бо́гъ оте́ць на́шихъ!

Пѣснь 9.

Ирмо́сь: Чу́жде ма́теремъ дѣ́вство, и стра́нно дѣ́вамъ дѣ́торождѣ́ніе; на Тебѣ́, Богоро́дице, обо́я устрои́шася. Тѣ́мъ Тя́, вся́ племена́ земна́я, непреста́нно велича́емъ.

Безме́рно Ма́терь Бо́жію возлюбивѣ́, отъ всего́ се́рдца преподо́бный взы́валъ е́сть: азъ на Богома́терь та́ко надѣ́юся, я́ко на го́ру

каменную. И не посрами́ любви́ твоея́ Пречистая.

Затворивъ́ окно́ тѣсныхъ кѣлїи иконою́ Богоматере, ты́ реклъ еси́, святче: почто́ мнѣ́ свѣтъ́ чувственный, Пречистая — свѣтъ́ очію́ моею́ и души́ моея́! Помоли́ся и нашимъ очесѣмъ́ мысленнымъ́ просвѣтити́ся, Парѣніе́ блаженне.

Предзря́ кончину́ свою́, взыва́ль еси́, преподобне: путево́дїти ми́ будетъ́ Дѣва́ Богомати, несумнѣ́нная моя́ надежда, Та́я приведе́тъ мя́ поклонїтиса́ Сы́ну Своему́.

Богородиченьъ: Вседне́вно сраспина́яся распя́тому Христу́, и принося́ архангельское́ цѣлованіе́ Пречистей́ Дѣвѣ́, уготова́ль еси́ ду́шу свою́ къ́ преселенію́ въ́ міръ́ горній, ю́же и прїя́ша Господь́ и Матерь́ Его́ въ́ день́ Страстей́ Христо́выхъ и Благовѣ́щенїя.

Свѣтилень. Подобенъ: Жены́ услышите.

Процвѣ́ль еси́́ яко́ фїниксъ́, давидски, о́тче, и обитель́ явился́ еси́́ Духа́ Пресвята́го, и сла́вна ты́ вселеннѣ́й показа́. О́ насъ́ непрестанно́ моли́, почита́ющихъ́ вѣ́рою пречестну́ю па́мьять твою́, преподобне́ Парѣніе́. **[Дважды.]**

Слава, и нынѣ́, богородиченьъ:

Тя́, пѣ́сньми немолчными́, ублажа́емъ, Дѣ́во,́ яко́ отъ́ Троицы́ Еди́наго́ родила́ еси́,

Богородице, и носиши на Божественную руку пребогатое Слово, непременно и неизменно.

На хвалитехъ стихирь, гласъ 5:

Преподобне отче Пароение, яко мира суетнаго сѣтей избѣжавъ, во обитель Божія Матере притеклъ еси. Въ нейже противу козней діавольскихъ добръ подвизався, Царицѣ Небеснѣй до конца послужилъ еси; Еяже моли, да не отыметъ покровъ Свой отъ насъ во вѣки.

Свѣщѣ пресвѣтлая, непрестанно къ Богу горѣвшая, просвѣщая и питаѣ всякаго грядущаго къ тебѣ сладкимъ именемъ Иисусовымъ, и нынѣ сподоби намъ райскія пищи причаститися, молитвами твоими, Пароение блаженне.

Новая звѣздо свѣтозарная, на небѣ духовнѣмъ возсіявшая, своимъ свѣтомъ вѣрнымъ путь озаряющая и ко Христу заблудшихъ души приводящая, моли Его, Пароение блаженне, спасти и просвѣтити души наша.

Слава, гласъ 6:

Како возможемъ восхвалити твоя подвиги, преподобне Пароение, или изчести твоихъ добродѣтелей множество, наипаче уразумѣти безмолвное твое Богу собесѣдованіе? Но не отрини пѣвцы твоя убогія, твоего заступленія просящія, и слышаніемъ житія твоего умиленія

исполняющіяся, о твоёй же святѣй пámяти
веселящіяся.

И нынѣ, богорóдичень:

Богорóдице, Ты́ еси́ лоза́ и́стинная,
[возрастившая́ намъ́ Плóдь живота́, Тебѣ́
мо́лимся: моли́ся, Влады́чице, со апóстолы
поміловати́ дúши наша́].

НА ЛИТУРГИИ,

Прокімень, гласъ 7: Честна́ предъ
Гóсподемъ* смёрть преподóбныхъ Егó. **Стихъ:**
Что́ воздамъ́ Гóсподеви о всѣхъ, яже́ воздаде́
ми? Апóстолю ко Евре́омъ, зачáло 333 отъ
полу́. Аллилу́я, гласъ 6: Блаже́нь му́жь,
[боя́йся Гóспода, въ заповѣдехъ Егó восхо́щеть
зѣло. **Стихъ:** Сильно́ на земли́ бóдетъ сѣмя
егó.] **Евангеліе Луки́, зачáло 24. Прича́стенъ:**
Въ пámять вѣчную́ бóдетъ пра́ведникъ, отъ слúха
зла́ не убойт́ся.

Источникъ: Печѣ́рская́ Миніа. [Ча́сть
вторая́.] — Кіевъ: Въ типографіи Кіево-
Печѣ́рскія́ Ла́уры, 2007. — С. 23-33.